

桂

洲

詩

集

桂洲詩集卷之第十七

韓光祿參預師兼李太嬰高晉業蓋殿大學士真溪夏古誤

詩 七言律詩六十八首

答和一十六首

省中聞鶴和亭谿韻

次徐崦西省藤花盛開韻二首

用韻走筆和答湛甘泉林小泉見示

西山詩

和許函谷少宰韻

次李序菴東郊感舊韻

次嚴介谿病起韻

天壇賞牡丹次顧未齋韻

次郭杏東韻

次未齋九日送酒韻

西齋與吳山泉對雪用盧韻

次范侍御壁間韻

寶坻公館次周太僕子庚韻

次李空同韻答河南藩臬諸公

奉次健翁國老烈橋卜築韻二首

簡贈一十九首

東閣同序菴閣老對雨有作

少保序菴一品初考詩以爲賀

至平夷答唐侍御虞佐以書來迂

過重安江聞周子賢至

清浪東蔡霞山

竹寨驛贈周克之侍御

辰州中秋懷伍思謹寄詩

磁州阻雪柬陶大叅世和

南還過無錫高橋買舟訪江陰高舜

穆先生不果

訪太史二汪先生鳶山新第次長公

韻

元日象山書院贈栢山王司寇二首

贈李都運抑之

次韻贈李澄卿

贈遭運指揮

東葉方伯

東劉平嵩

冬日草堂小集東吳宗甫

真定東喻太守

送別三十三首

送溫託齊宗伯得告還蜀

時余已得致仕之命

未果行

雷別黔中總鎮撫按諸公在歸德寺

席中用韻

曲靖逢朱大參凌谿劉憲副梅國酌

酒教場尋別去次朱凌谿韻

發清浪霞山偕葉閩帥教場餞別

潘中丞設餞學官留別

送林見素司寇致仕

送汪石潭宗伯韻

送大司馬秦鳳山赴南都參贊

送聶鳳山司寇

送嚴宗伯介谿之安陸

送大宗伯介谿之南都

送大司寇唐漁石歸養

次潘大丞韻別熊大理

送許伯誠巡撫保定

次屠少叅韻送李侍御北上

送張侍御行邊

送謝侍御伯升按廣東

送劉思存道長歸養

送陸太守遷廣西大叅

送分守徐少叅督學浙江

送鄺子元少叅提督太嶽太和宮

送楊四泉僉憲之閩省

別丁閩峰太守之閩南

送方主事使閩浙

送吳郎以容應試

會同郡諸君餞護吳郎應試卽席疊

韻

送邵真人展視僊源宮

潞河留別劉千丘後

別黃六官

贈盧憲使之江西

涿鹿道中贈楊僉憲入楚

贈鄧節推

贈羅僉官赴九溪

詩
七言律詩六十八首

答和一十六首

省中聞鶴和亭谿韻

遲日穠烟省院中
當堦老鶴唳春空
飄蕭靜倚蓬山雪
迢遞忽傳閭闔風
自傍雲霄求伴侶
不知天地有樊籠
南宮近與僊曹接
清響相和紫禁東

次徐崦西省藤花盛開韻二首

裊裊垂藤入院長
省簷深覆午陰涼
雨餘綠葉侵衣潤
風細朱華落几香
故老高情留物

色宦游佳話惜年芳碧山莫引烟霄興翠幄
朝朝侍玉皇

畫省藤蘿烟霧中題詩尚憶守溪公昔年散
帙陰猶在今日移尊花更紅秋暑忽驚東閣
雨午涼閒卧北牕風高情少宰能憂國日爲
閭閻祝歲豐

用韻走筆和答湛甘泉林小泉見示

西山詩

西山夜雨玉泉鳴霄壑朝看爽氣生百里登
臨秋日興兩翁吟咏古人情臺前白日空花
落湖上孤亭望眼明昨卧東堂足清夢彩毫
入手句還成

和許函谷少宰韻

王氏槐陰高覆簷竇庭丹桂有奇緣日聯東
省朝天珮時出西堂夢子篇令弟經綸司計
地難兄館閣被恩年東厓公後多賢俊勲業

承家不愧前

次李序菴東郊感舊韻

燕山秋老鴈飛時
天末涼風吹鬢絲
十里郊垆勞館閣
千年典禮賴君師
東門春到迎神早
左掖朝來退食遲
客醉薇園紗帽側
每吟詩句重相思

次嚴介谿病起韻

世路安危任所如
敢將身計負朝裾
遭逢

共說千年上建立行看百代餘鄉里衣冠嗟
屈指天涯門巷喜停車青山白髮公方未多
病非才祇媿予

天壇賞牡丹次顧未齋韻

道院看花同勝日歌筵對酒惜餘春烟霞樓
觀非凡界桃李紅芳總後塵莫問名家千本
盛即憐臨檻數枝新吳洲詞客神僊骨瀟灑
風流意獨真

次郭杏東韻

池上觀蓮遠興生花光水色自相迎風回翠
蓋團春仗雨裊紅粧帶晚醒白首門墻依座
主青雲賓從忝諸卿風流不費詞林事勲業
須酬 聖主情

次未齋九日送酒韻

夜聽幽泉滴小槽曉看新釀發葡萄菊開九
日花偏艷木落千山風正高鄉思又逢南國

鴈 聖恩時賜大官醪拂衣何日東籬下獨
坐秋牕細咏陶

西齋與吳山泉對雪用盧韻

巷接鳴珂路不迂疎齋搖落倚槐榆雪中高
蓋能相訪病裏清尊聊共娛畎畝豈能忘
聖主江潭只合臥潛夫夜來喜得還鄉夢花
滿青山鳥亂呼

次范侍御壁間韻

江上風烟暗一城坐看孤月近東瀛
岼邊漁火依依照天末流雲藹藹生
千里故人勞遠夢百年有客滯虛名
清時事業須經濟薄劣真慙海內英

寶坻公館次周太僕子庚韻

節後黃花開不遲暮寒亭館客來時
天邊遠塞低鴻鴈風散高城急鼓聲
澤國蒹葭秋水暗沙村楊柳暝烟垂
清霜落木滄江迥獨坐

長吟有所思

次李空同韻答河南藩臬諸公

病身郊館滯春陰
日枉羣公屢藻臨
瘴嶺敢辭南去路
塞垣仍繫北來心
萬方涕淚同哀詔
三月風光獨苦吟
明發夷梁重回首
海天何日接鴻音

奉次健翁國老烈橋卜築韻二首

黑頭早戴進賢冠
四十餘年海內安
報國共

知臣力盡卜居私喜 聖恩寬長橋夜泛滄
浪月高閣晴看紫翠巒白日神僊真在眼駐
顏何用覓金丹

白沙翠竹照衣冠此日東山有謝安興到不
須藜杖啓客來長放酒盃寬堂成自扁明農
墅山好當名柱笏齋門外石橋連舊井紺泉
長引葛洪丹

簡贈一十九首

東閣同序菴閣老對雨有作

長廊高閣敞黃扉
飛觀層城接紫微
霖雨九天滋下土
震雷千里發神機
濟川久賴商家楫
補袞真慚舜殿衣
憶昨南宮覽新霽
龍顏咫尺共瞻依

少保序菴一品初考詩以爲賀

王陛宣麻曾一日
黃樞秉軸又三年
匪躬蹇蹇古名相
有技休休真大賢
華勳存歷中書

考功業能垂太史編已賴鹽梅足調劑尚看
霖雨遍垓埏

至平夷答唐侍御虞佐以書來迓

青春遠道獨南尋落日荒城遺好音已卜登
龍諧我願更於烹鯉見君心風塵索寞交遊
冷關塞崎嶇感慨深明向昆池看太華相期
會發醉中吟

過重安江聞周子賢將至

重安江色清可憐江邊下馬渡江船黃茆野
屋翳白日粉堞獨戍棲寒烟朱旗郵兵走相
報繡衣使者來行邊故人經年希見面歡劇
起舞秋風前

清浪東蔡霞山

端陽往酌清平酒八月回登鎮遠舟病臥遐
方忘盛暑來經舊路喜高秋音塵預報煩沅
守旌節虛傳駐岳州良會不期諧夙約客愁

何在失離憂

竹寨驛贈周充之侍御

竹寨溪邊古驛亭
望中紅樹眼偏青
百年此地知遷客
萬里遐荒有使星
已傍風塵嗟彳亍
于忍於江海見飄零
秋風落日沅陵棹
逝水繁憂渺洞庭

辰州中秋懷伍思謹寄詩

自我得歸沅水棹
聞君尚在岳陽樓
異方作

客仍多病勝地題詩不共遊擊舸獨看今夜
月懷人遙隔洞庭秋新篇數枉憐君意隨處
長吟破旅愁

磁州阻雪東陶大叅世和

南望梁園生遠興北來冰雪阻河關彩毫未
擬詞人賦濁酒聊開壯士顏戎馬竟煩諸將
力雲霄遙輟侍臣班誰言盜賊憑凌甚天
子陽和遍宇寰

南還過無錫高橋買舟訪江陰高舜
穆先生不果

橋邊買得小舟輕千里南來兩月情擬向林
泉還酒琰不知旌節尚高城百年交誼看前
輩此日行藏駭後生咫尺澄江重回首青山
如畫白鷗明

訪太史二汪先生鳶山新第次長公

韻

築室遙憐傍水村
摳衣久擬拜公門
青山花鳥宜新賞
春草池塘續舊論
賸許野人陪杖屨
慣迎佳客有兒孫
休耽一卧滄江穩
黑髮應酬 聖主恩

元日象山書院贈栢山王司寇二首
南檄幾年淹節鉞
西臺此日藉經綸
偶從江縣逢元日
共陟巘亭對早春
雪後青林紛杳靄
風前丹壁靜嶙峋
未因臨賞過先哲
實喜

宋詩集卷之十一
一
二
安危有大臣

樓船遠自三湘至
玉節新從萬里歸
山閣梅花生野興
江亭草色淨朝暉
經旬風雨愁無那
元日登臨願不違
西北關山同悵望
喜聞初解肅州圍

贈李都運抑之

百年今日李司鯤
久往淮揚柰爾何
董傅孤踪元自遠
文山正氣尚來多
風塵歲晚憐經

濟湖海秋深憶薜蘿
眼見間闌歌八事無因
獻納愧經過

次韻贈郭澄卿

中歲移家傍水頭
故人相對草堂幽
山亭桂樹含芳意
江郭梅花生遠愁
短榻夜憐風雨
共僂槎春向海門浮
與君莫負滄洲約
玉女峰前合放舟

贈漕運指揮

國家軍儲四百萬千里江淮入運河檣櫓久
憐戎士苦指麾真賴俊賢多道途容易來還
去部領從容吟且歌爲喜太平征戰罷樓船
安穩勝橫戈

東葉方伯

瑣闥清班慚附驥微垣僊署幸登龍一時諫
草高風在千里湖山雅望濃楚國舟航曾避
逅西江樽俎未從容 廟堂喜聽鴛遷早春

日來同 紫禁鐘

東劉平嵩

晝雨冥冥城闕陰
邵園山好廢登臨
薰風忽破午牕夢
溽暑偏傷病客心
清世衣冠同瓊闥
昔年樽俎記瓊林
五君高誼應憐我
一望雲天感慨深

冬日草堂小集東吳宗甫

茅齋漫擬幽人住
竹逕真緣上客開
一壑烟

霞供下榻半江鷗鷺對銜盃依依野屋寒雲
閉歷歷孤城返照來笑折梅花對知己歲寒
携手最高臺

真定東喻太守

仲冬望日風日淒太守送客臨大堤層冰十
丈滹沱合積雪萬里恒山迷地寒關塞連極
北歲晏車馬經河西城頭罷酒復攬轡天清
野曠迴旌旗

送別三十三首

送溫託齋宗伯得告還蜀

時余已得致仕之命

未果行

白髮經闈舊講臣
碧山今日又歸人
廟堂久乏畱賢疏
江海遙憐報主身
歲晚北風吹浩浩
天涯南鴈去頻頻
謝安豈得終高卧
霖雨蒼生屬望新

畱別黔中總鎮撫按諸公在歸德寺

席中用韻

松門秋日亂峰陰
野寺離筵惜暫臨
萬里壯遊他日夢
百年嘉會此時心
酒盃易向風前醉
詩句長留別後吟
膠漆久存應不忘
願期遲暮答知音

曲靖逢朱大叅凌谿劉憲副梅國酌
酒教場尋別去次朱凌谿韻

相逢忽漫各西東
罷酒沙場草樹空
薇省回

看共秋月栢臺遙睇引清風獨憐懷抱幾曾
盡此別關山那可窮預喜有鶯遷薊北不愁
無鴈過黔中

發清浪霞山偕葉閫帥教場餞別

錦石秋花照眼明曉涼溪上棹歌聲使君軒
蓋臨江許元帥旌旗動柳營昔別關山千里
意坐談湖海十年情更同尊酒知何地獨到
天涯是此行

潘中丞設餞學宮留別

山西羣盜驅蛇豕河北諸軍奮虎貔天子慨
然資耳目大臣久矣屬安危青天上黨控征
纒白日中原照酒卮祇謂宮墻聞俎豆詎令
邊塞識旌旗

送林見素司寇致仕

龍馬精神海鶴姿雍雍廊廟見當時 三朝
重望勲名在千載清風勇退宜裴野黃花畱

晚節謝堦丹桂有高枝蒼生未輟東山想舊
德方勞 聖主知

送汪石潭宗伯韻

一雨涼生四月秋潞河新水送南舟青山自
引歸田興白髮仍綠戀國憂千載君臣虛幸
會百年禮樂寡諧謀江村許接尚書履紗帽
無勞伴海鷗

送大司馬秦鳳山赴南都叅贊

聖者相從重討言。帝命彩祥士論宜與歷
五曹真舊德官登一品在明時朱衣王帶辭
天服白首丹心報。主私共道南邦有良翰
獨於北。闕少相知

送聶鳳山司寇

十八年前廣視堂主人高宴對三湘

正德戊寅予使

楚公爲楚臬長登朝昨喜鴈行近拂袖今看鳥道長

白首林泉新歲月青天臺省舊風霜

公昔持憲聞有

聶青天
之謔

聖恩有詔優者自俊乘傳安車入故

鄉

送嚴宗伯介谿之安陸

宗伯樓船下洞庭魚龍秋水書冥冥金書王
節三湘使寢廟玄宮萬載靈天外白雲勞
聖主斗間紫氣避文星岳陽黃鶴俱形勝早
晚憑闌眼倍青

送大宗伯介谿之南都

王節春風下紫清樓船新水汎滄溟僊曹正
對三山麗星極遙瞻八座明共喜登崇晉
聖眷獨緣離隔動鄉情鳳池自是雙龍地早
晚相從聽履聲

送大司寇唐漁石歸養

聖主御天隆袞職秋卿愛日解朝紳忠臣
孝子真難事直節完名定幾人鄉思正憐黃
鵠遠世情轉覺白頭新著書日向南山下春

酒年年壽老親

次潘大丞韻別熊大理

長者華軒薄暮過野人幽懶卧江莎舊時朝
士今餘幾明日扁舟柰別何杜老丹心空自
破賈生青鬢欲全皤百年喜見于廷尉海內
蒼生屬望多

送許伯誠巡撫保定

中丞節鉞照青春鳴玉辭 天下紫宸未許

豺狼當道路卽看關塞靜風塵衣冠共憶看
花日勲業須憑報 主身滿眼瘡痍且畿輔
此方霖雨藉經綸

次屠少叅韻送李侍御北上

溪山光映繡衣浮驄馬行看去莫畱天地水
霜當此日丈夫功業屬茲遊風生畫舸晨光
發月滿烏臺宿雨收無限好懷兼別意漫憑
尊酒對江流

送張侍御行邊

使君驄馬離中州遠上羊山萬仞秋野曠旌
旗光歷歷天清兵甲氣浮浮黃花九日初逢
寺白日中原獨倚樓更假霜威行太漠不妨
談笑卽封侯

送謝侍御伯升按廣東

長安客舍接芳隣歲晏那堪別故人出餞偶
逢燕郭齋過家應及楚山春霜飛五嶺花驄

遠風動三江彩鷁新喜見王師歸北闕離筵
無厭酒盃頻

送劉思存道長歸養

故人南去大江東秋水蒲帆蕩碧空三歲賢
聲公論在十年鄉話酒尊同買田陽羨堪將
老作客長沙喜再逢四海蒼生憂 聖主敢
將雙鬢嘆飛蓬

送陸太守遷廣西大叅

此邦小試親民政重鎮還須濟世豪萬里南
行應自壯九重西顧可無勞旌旗曉拂蠻烟
重驛路秋看嶺月高絕喜殊方富形勝離山
桂水護官曹

送分守徐少叅督學湘江

夫子平生此壯遊望中人物訝僊舟天餘木
鐸還宗主座擁春風總俊游千里文星光海
嶠一尊別酒對江流遙知秉燭秋堂夜賸有

吾鄉戰伐憂

送鄺子元少叅提督太嶽太和宮

五月南風吹北船
漢江巴水渺風烟
青春遠道那能別
白日高歌空自憐
十載杏園如夢裏
一尊蕭寺負燈前
紫霄宮畔堪雲卧
明日相思隔洞天

送楊四泉僉憲之閩省

六月燕山送客行
五雲回首不勝情
人間信

有風波惡天上真懸日月明莫以驅馳嗟末
路正須慷慨樹平生圖南羽翮凌秋健佇看
扶搖快北征

別丁闔峰太守之閩南

北風木落河水冰阜蓋復指閩之汀宦途古
道苦落落鄉曲老眼饒青青何人艱難共舟
楫有懷浩蕩同滄溟千載一逢堯舜王攬
鏡獨慚雙鬢星

送方主事使閩浙

南宮僊客憶南溟丹詔親傳下紫冥閩嶂白
雲秋建節越江明月夜揚舲乾坤浩蕩歸
皇極霄漢分明動使星展罷松楸慰幽壤卽
看簪笏侍明廷

送吳郎以容應試

驂驕白日行天遠鷗鷺晴空振翼高經濟文
章誇國器聖賢功業屬人豪秋風兔闕攀丹

桂春日龍墀奪錦袍老眼青雲今有子定應
一出冠時髦

會同郡諸君餞讌春郎應試卽席疊

韻

清歌音遏行雲香華燭光騰絳蠟高樽俎開
筵情正洽風雲入座思俱豪登朝已愧尚書
履製錦仍慚學士袍喜見文章得佳婿况逢
鄉曲盛英髦

送邵真人展視僊源宮

青山新起赤霞宮，僊谷靈源有路通。親侍

紫皇持絳節，獨歸滄海御天風。金書兩柱雲

霄下，玉帶三圍里閤同。

予爲公作新宮柱聯，公以金書刻之。又公

與張真人皆與予同里社故云也。

明歲桃開早，歸謁雙鳧無。

使注

重瞳

詔曰：許還山期日來，春赴闕預爲勸駕云。

潞河畱別劉千兵俊

秋風江上獨逢君，沙畔停舟坐夕曛。照水蘂

葭鳴瑟瑟冒霜楊柳下紛紛風波旅况憐鄉
國湖海賢聲動水軍早晚歸來先訪我靈峰
千仞結松雲

別黃六官

春日憐君過草堂疎燈細雨話偏長十年舟
楫思淮海三月鶯花隔帝鄉關塞風塵顏
獨壯江湖雲水道難忘重來擬結三峰約日
對巖花醉酒觴

贈盧憲使之江西

二月南遊春色明，柳姿花艷不勝情。
藍袍正憶題名日，驄馬逢憐問俗行。
徐孺孤亭臨野水，滕王高閣倚層城。
使君登覽應多暇，肯向三峰問姓名。

涿鹿道中贈楊僉憲入楚

陛辭同日面龍顏，車蓋長途得屢攀。
君去南浮洞庭水，我行西上太行山。
兩朝舊識

巡行使十載虛叨供奉班
紫極幸逢堯舜主敢將岐路惜間關

贈鄧節推

冰雨紛紛草閣寒
僊舟歲晚泊江干
柳枝含凍豈堪把
梅蕊逢春聊共看
我病且辭青瑣闥
君材任著豸頭冠
匣中寶劍光芒在
努力無歌行路難

贈羅倉官赴九溪

爾去九溪蠻洞深朱絃一奏攬離心山連越
舊猿聲斷江到衡陽鴈影沉白首豈堪供小
吏焦桐誰解識竒音洞庭秋色饒相憶落日
聊爲楚客吟

桂洲詩集卷之第十七終

桂洲詩集卷之第十八

特進光祿大夫太子少師兼太子太師高士儼殿大學士高溪夏言撰

詩 七言律詩六十四首

寄懷一十六首

曉泊龍興觀有懷空同用韻

鄴城寄李空同七首

次嚴介谿韻寄汪石潭宗伯二首

寄陳中丞高吾

寄方棠陵二首

寄田憲副勤甫及其弟深甫

寄談東石二首

燕集三首

黔國王岡公同泛滇池用韻

立秋日陳憲副劉姚二僉憲邀飲安

普道用前韻

江西二司諸公招飲都司堂有作

閒適一十七首

次桂元禮

晚歸自象山有懷諸友

山中

象麓草堂初成和杜韻六首

入象山中塢見立石一拳上可結亭

喜而有作

過西塢闢地作菴

過江懋毅宅

宿汪閒齋少宰第用韻

用元日韻書懷二首

再疊汪得之遷居韻

訪方棠陵城南賈氏樓中用浚川王

少司馬韻

時令一十首

至日

元日次方西樵閣老韻

九日顧未齋邀飲翰林院賞菊卽席

賦

元日 上賜長春酒一瓶恭賦

元夕觀燈 御苑

巳亥元旦

九日閣中小飲呈石門

九日宴介谿少保宅

中秋夕桃源舟中用韻

元日上黨對雪

物色七首

春日 賜宴遇雪奉和翟石門韻

次李蒲汀春日喜雪

沅陵道中從吏楊文獻枇杷

雨不絕次杜韻兼效杜體

借一泉飲許子席上對雪

舟中對雪

浴僊池雪夜疊呈邵鍾二子

題詠六首

次王甌濱韻題嚴介谿鈴山堂

題吳總兵卷

次李空同韻寄題麻姑山

石龍書院次韻題黃久庵卷

滕王閣新城次巡撫陳公韻

秋月亭次劉侍御

懷古五首

賈島墓

金章宗墓

姜里城文王廟次秦都憲韻

湯陰縣謁岳武穆祠次秦韻

經陸象山先生墓

七言律詩六十四首

寄懷一十六首

曉泊龍興觀有懷空同用韻

江邊樓觀紫烟重
帆落初聞度曉鍾
龍去石堂猶帶雨
鶴飛雲島只餘松
路難自古行須見
道直憑渠世不容
獨步沙堤重回首
西山相與意偏濃

鄴城寄李空同七首

南望夷門冰雪深
黃河風色晝陰陰
梅花苦

入江南夢瑤草空傷歲暮心莫倚文章驚絕
代誰教勲業困于今 聖朝合有公車召白
日休歌梁父吟

象山薊水花馳並南嶽東華野騎同廿載相
思春日夢一時高興古人風洛中司馬終堪
相吳下希文久變公羽竊祿謬塵青瑣闥薦賢
慚乏皂囊封

龜峯寺裏春仍到巖上題詩苔蘚青徃徃蛟

龍飛石壁時時風雨泣山靈仲冬風日同諸
客昏黑登臨醉野亭三十二峯俱在眼天涯
回首歎浮萍

長風急霰暮淒淒寒天送客雪滿溪推蓬水
市漁火近貫酒沙村樵徑迷巖灘屢洄泊星
渚石竇徑度緣丹梯百年此會如昨日遙思
一寄繁臺西

他年車過梁夷道病客心懸萬里行祇爲馳

驅違見面至今離索倍關情寄書每失中原
鴈伐木徒歌上苑鷲杜老暮年詩律細彩毫
何惜慰平生

奉使遙從六詔歸十年青瑣竊朝衣憂來白
髮慵看鏡病卧滄洲靜掩扉落日嵩雲愁
望塞鴻江鴈各翻飛象山西下徐巖畔比歲
新添一釣磯

每誦高詞憶 孝皇中興天子邁商王星臨

御座鍾鳴早日過
文華輦路長
一念動遵先
聖軌萬幾
親覽侍臣章
裁詩爲報東山謝
四海蒼生詎可忘

次嚴介谿韻寄汪石潭宗伯二首

歲暮還鄉仍卧病
茅齋背郭枕江汀
天寒處
處梅花白
村晚蕭蕭竹葉青
詩句尚憐東閣興
移文何假北山靈
相思正在雙溪曲
目極
厓峯空翠屏

鳴王朝朝侍 紫宸八迴同賞上林春年來
世路風波惡歲晚鄉園感慨新他日 朝廷
思故老此時林壑見高人還家已買東山屐
得暇相尋碧水津

寄陳中丞高吾

遙聞節鉞臨鄱水不見樓船過信州湖上雲
山開府靜道旁豹虎背人愁 三朝出入將
新命再世交承感舊游病卧草堂淹歲月喜

看旌節照林丘

寄方棠陵二首

野人正倚臨江閣老衲新炊通吏巢底用移
文勒山谷只妨拄杖過溪橋百年價重黃金
地萬里人看白玉毫寄語棠陵畱半榻秋風
卧我白雲寮

聞爾深遊白龍洞今予亦想石門山水花自
照詩人眼雲物那開病子顏江上草堂常象

麓山中棠館傍禪關兩鄉明月相思夢一夜
天風吹往還

寄田憲副勤甫及其弟深甫

臘前三日鄴城裏忽憶君家賢弟九春早庭
花應爛熳歲寒臺栢故崢嶸風塵數引江湖
興歲月偏增故舊情已媿非才玷青瑣獨能
無意向蒼生

寄談東石二首

再世交承記昔時百年吾道重相師江湖迢
迢門墻念丘隴淒涼雨露思興劇獨歌平子
賦憂多誰和杜陵詩欲從海上尋東石藥竈
扁舟任所之

富春山下憶當時文采風流是我師書劍竟
爲明主棄別離長繫故人思天涯遠寄雲間
酒海內新傳東石詩何日與君同杖屨狂歌
劇飲任吾之

燕集三首

黔國王岡公同泛滇池用韻

昆明池上華山陰上將樓船載客臨玉笛紫
簫悲送目牙檣錦纜麗傷心波間日暖龜鼉
出沙上風清鸛鶴吟晚席淹留芟荷裏棹歌
只少醉吳音

立秋日陳憲副劉姚二僉憲邀飲安

普道用前韻

葉下高梧澹夕陰
栢臺秋日共登臨
天涯忽動歸人興
地主徧增愛客心
一月已多開口笑
百年合付撚鬚吟
殊方賴有諸公在
明發還朝報好音

江西二司諸公招飲都司堂有作

銀屏座壓紫瓊璣
金縷歌傳白玉壺
冬日華筵慚上客
百年高會幾洪都
大風夜撼將軍樹
列炬寒驚御史烏
醉後不知辭地主
五雲

清夢繞江湖

閒適一十七首

次桂元禮

聯舟昨日千里回懷人兩月重徘徊碧梧新
亭傍水結白雲舊館依巖開多君避俗少塵
事愧我抱拙真凡材會當入山理吾業猿鶴
未許相驚猜

晚歸自象山有懷諸友

溪上人家竹樹青
溪頭野客眼偏明
斷雲將雨江城遠
小屐穿花逕路平
春洞酒盃勞夢
想夜巖燈火隔書聲
西齋此日成孤悶
草滿池塘蛙亂鳴

山中

臘日入山山雪深
山空歲暮愁人心
長林晝寒虎兕吼
絕嶺凍合猿猱吟
梅花欲開北風厲
修竹盡折南巖陰
何當六龍委照耀
坐使

萬象回簫森

象麓草堂初成和杜韻六首

三峯山下理衡茅翠竹黃花近蒲郊屋上風
泉飛木杪窓前蘿月桂藤梢會看燕子新營
壘自許鷦鷯小結巢歲晏滄江堪卧穩移文
未許北山嘲

縣郭東南溪水頭石門林壑抱深幽中年卜
居總爲此獨坐憑軒聊散愁庭堦日午鳥雀

下巖谷雨餘雲氣浮葛巾藜杖且疎放時向
滄浪弄小舟

少谷親題象麓堂百年談笑落滄浪鄭婆塘
西楊柳暗王表洞前盧橘香釣艇日依潭水
靜酒樽時送竹陰涼傍人莫訝爲官在吏隱
吾兼老杜狂

水碧沙明洲渚迴雲深竹靜草堂開寒天木
葉蕭蕭下落日江帆片片來有客相過時問

字主人無事日登臺
愁看直北關山迥
白草黃雲秋正哀

繞院松杉雲氣流
小堂高枕碧江幽
秋山杳杳啼玄狖
晚水冥冥飛白鷗
伏枕經年須藥
裹閉門長日對
簾鉤閒中且覓園
丘樂汨汨風塵何
所求

三峯新築草堂新
忽見梅花送早春
昔折會悲遠遊客
相看今是故鄉人
山前松菊應憐

我野外漁樵更卜隣但願升平歌 帝德不
妨疎放樂吾真

入象山中塢見立石一拳上可結亭
喜而有作

入竹穿松歷翠微桃花源深人跡稀丹霞石
門龍虎抱白晝天風鶴鶴飛百年走馬竟何
事一壑藏身堪息機欲結茆亭傍青壁於此
一振千仞衣

過西塢關地作菴

觀山差栽石壁開雲深竹密路紆迴
庶門豈合龐公占盤谷能招李愿來
碧水一泓餘舊井紫厓千級自高臺
城南咫尺烟霞地誰道百年空草萊

過江懋毅宅

爲訪胡陵江太史竹輿翠幃度清秋
閉門那問相如病出郭真銷杜老憂
無數芙蓉含宿

雨一羣鷓鴣汎寒流芳尊且共滄江話坐對
晚山吟白頭

宿汪間齋少宰第用韻

天官甲第臨江靜晚日澄潭動碧虛樓上好
山元近郭席前流水自通渠頻看賓客先開
逕暫卷經綸剩著書芳桂洲邊泉石好邇來
吾亦愛吾廬

用元日韻書懷二首

憶昨從容門下省每依 天闕聽絲綸比歸
江縣逢新歲獨對梅花憶遠春芒渚鷗波晴
浩蕩象山雲壑曉嶙峋此中且混漁樵跡野
老休疑侍從臣

結廬久憶南山隱解綬今從北闕歸兩月空
齋愁凍雨新年春日見晴暉田園生計吾何
有鷗鷺閒盟喜不違早晚芳洲隨杖屨清溪
窈窕碧山圍

再疊汪得之遷居韻

禁廬往日同趨直旅舍新來更接隣
金鑰坐聞高閣夜王壺時共小槽春
梁間語燕饒驚客院裏飛花故著人
莫訝樓臺偏有地即看門館靜無塵

訪方棠陵城南賈氏樓中用浚川王
少司馬韻

閩海新移萬里舟燕山舊憶十年游
退朝每

出青門道載酒同看綠水洲城畔蒹葭鳴蟋蟀
門前楊柳繫驂驪茶瓜竟日延清話枕簟
微涼愜素秋

時令一十首

至日

長安此日逢長至鳴王朝天病未能 聖主
自應隆泰道小臣何以報昇平飄飄闔闔雲
霄侶杳杳江潭鷗鷺情人事天時苦催迫丹

心白髮共分明

元日次方西樵閣老韻

青綾尚擁玉堂衾黃閣俄傳白雪吟歲月侵
尋驚短鬢鄉園迢遞負閒心雲霞曙色明雙
闕桃李春光滿上林 聖主恩深同北海小
臣身合重南金

九日顧未齋邀飲翰林院賞菊即席

賦

碧酒黃花對玉堂蓬池瀛島動秋光天依霄
漢台垣近地接關山朔氣長取醉正須拚暇
日登高况復遇重陽秋容晚節諸公並白髮
丹心 聖主傍

元日 上賜長春酒一瓶恭賦

春前一日逢元日玉甕僊醪 勅賜新舜律
三陽從地轉箕疇五福自天申椒花栢葉猶
堪頌翠管銀罍詎足珍薄劣太平無以報祗

將歌味答 皇仁

元夕觀燈 御苑

元旦燒燈 御苑中雪消華月映春空瑤臺
冰玉三千界紫禁烟花一萬重舜日堯天千
載慶河青海晏八方同太平 聖主宸遊樂
五色祥雲駕 六龍

巳亥元旦

永明殿裏焚香罷左順門前振珮歸高閣坐

聞宮漏細晴牕時裊篆烟微疎庸詎可端揆
席獻納猶思在瑣闌素食自慚更歲月明時
無計解朝衣

九日閣中小飲呈石門

十有九年重九日與公黃閣對黃花酒盃今
節同心賞物色高秋感歲華閒引爐香消禁
漏喜聞羽檄靜邊笳碧山松桂虛相憶目送
霜空白鴈斜

九日宴介谿少保宅

去年賸有登臨約詩句虛傳醉菊盃江上高
臺仍自倚風前好席故應開勳庸共許丹心
在歲月從教白髮催日鑿堂中歡賞極夜深
簫鼓得遲迴

中秋夕桃源舟中用韻

中秋看月武陵川三歲離人萬里船好景竟
虛江上酒清輝應共洞中天高堂白髮添今

夕旅館青燈憶去年愁倚帆檣瞻北極玉關
迢遞渺風烟

元日上黨對雪

太行山畔逢元日白雪風前飛早物臺省並
淹諸道節冠裳俱是異鄉身簷交玉樹清依
客盤擁椒花冷笑人勲業未看青鬢改秬憐
歲月又增新

物色七首

春日 賜宴遇雪奉和翟石門韻

新春共喜入新年坐倚 龍樓對雪天寒擁
宮袍明曉闕光浮御酒照芳筵詩歌幽野歡
成劇賦寫梁園思入玄歲歲堯尊當此日白
頭長侍 聖人前

次李蒲汀春日喜雪

明時調燮媿無能春雪欣看淑氣凝平野迥
鋪瓊一色遙峯寒聳玉千層先占二麥宜燕

趙盡殄遺蝗及魯滕共說今年好風日太平
簫鼓上元燈

沅陵道中從吏楊文獻枇杷

沅水枇杷也自甘清香微澱齒牙寒盤行顆
顆黃金嫩籠貯枝枝碧玉攢實愛野芹知汝
意虛懷陸橘起予歎王程萬里家千里何得
東園載酒看

雨不絕次杜韻兼效杜體

雨聲四月寒仍微紫燕翅濕交愁飛堦前
蘇封碧石爛枝上梅落黃金稀高江忽送萬里
舸亂雲密紉千山衣閨中小婦思莫苦早晚
征人還自歸

借一泉飲許子席上對雪

天女剪花飛六出地官作主得雙賓金爐貯
酒開懷刺玉樹臨軒發興新北上舟航徒滯
客南征車馬更愁人夜來夢入家園好密竹

疎梅野水濱

舟中對雪

石亭寺前江色寒，狂飈急霰鳴前灘。
西山雲霧虎兇吼，南浦水縮蛟龍蟠。
層城迴望玉樓合，萬木忽訝梅花殘。
農人有年吾預喜，客子行路休歌難。

浴僊池雪夜疊呈邵鍾二子

浴僊池畔草堂深，未夜清尊共客心。
堦雪未

融看臆意閣梅初放試春吟月華凍入千峯
寂風色寒生萬壑陰一卧滄江雙鬢短驚殘
王樹對森森

題詠六首

次王甌濱韻題嚴介谿鈴山堂

小徑斜連芳樹重儒林西畔鬱新宮曉山烟
霧當窓裏清沼魚龍出鏡中宜水東來誇獨
勝廬峯南望許爭雄自從太史堂成後海內

環瞻地望崇

題吳總兵卷

南楚湖天產俊人
西川節鉞伏元臣
虎熊舊識封侯相
麟玉新加報主身
座閃朱旗閒日月
戈橫鐵馬靜風塵
明時已取將軍印
黃閣還看早畫麟

次李空同韻寄題麻姑山

麻姑山在盱江上
名重東南數十洲
千古忽

驚人遠到一時應少我同遊文章久借山川
重草木新沾姓字留何日登臨寫長賦墨花
泉響共飛流

石龍書院次韻題黃久庵卷

湖水清清映石龍青山合起紫霄宮林藏嶽
巖千峯雨瀑引匡廬萬壑風何許子猷來剡
曲幾年諸葛卧隆中平生夢想天台路歲晚
相尋黃久翁

滕王閣新成次巡撫陳公韻

郡城西北見高樓，迥接風烟萬里秋。
帝子不來歌舞歇，長江空繫古今愁。
帆開遠浦鳧鷖亂，客散東風烟霧收。
喜見中丞停節鉞，不因登覽得咨諏。

秋月亭次劉侍御

春岡主人，心自閒。亭上有草時獨茂，高臺古柏晚鬱鬱。幽花危石秋斑斑，豈無清風坐披

拂何須絕壑窮躋攀
蹇余騎馬出左掖
念子拄笏看西山

懷古五首

賈島墓

大房嶺下石樓村
三尺新碑古墓存
僊客向來接浪迹
青山此地滯吟魂
馬蹄謾逐春街雪
鳥宿空敲月夜門
一代風流榛莽裏
凄凉白日吊寒原

金章宗墓

金宗陵墓倚空山古木寒藤蒼莽間一代中原悲左袵千秋胡虜詫龍顏翠華零落關雲冷石馬淒涼夜月閒想見崇儒過孔里至今青史亦班班

羨里城文王廟次秦都憲韻

二月花飛羨上城道傍下馬慰平生青山古廟風雲繞白日平郊草樹明一念有天臣分

死三分何意業垂成
肅雍千載瞻遺像
傾耳如聞彩鳳鳴

湯陰縣謁岳武穆祠次秦韻

南國將軍此故鄉
中州人物異尋常
孤忠一死關宗社
遺恨千年屬廟堂
鳳輦北遊塵漠漠
龍舟東下海茫茫
爲憐不及西湖墓
鬱鬱青山骨尚香

經陸象山先生墓

十里松楸翳薜蘿百年芳塚正嵯峨山川幾
處還增重草木茲鄉亦自多道在死生真孟
浪教殘風俗竟如何辨香尚擬歸途拜仰止
高峰下馬過

桂洲詩集卷之第十八終